



國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國權

壬戌洪武十七年

正月辛巳朔大宴諸臣始用九奏侑食樂章

癸未前安徽石埭知縣石楨為浙江嘉興知府

壬申五色雲見 是月始置諸司勘合

乙酉城播州

丙戌翰林侍講火原潔等編類華夷譯語

丁亥置貴州都指揮使司平涼侯費聚汝南侯梅思祖署都


國權

洪武十五年



藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.



司事置雲南左右前後衛普定黃平建昌東川烏撒普安永
西烏蒙芒部尾洒等衛

乙丑諭刑部大辟俱減死論

庚寅免開封河決去年田租

甲午勅傅友德等雲南既克必置監司郡縣其烏撒烏蒙東
川芒部建昌宜約束其首長留兵守禦禁其民毋挾兵刃至
如靄翠革不盡服之雖有雲南亦難守也軍士疾弱者每衛
限十五人先還


乙未瓜哇國王入貢

南雄侯趙庸平廣東東莞翁源四會等縣盜


戊戌九將校雜犯死罪俱戍邊

辛丑免山東舟師出海巡倭第嚴備之

癸卯大理守段信首世上書傅友德曰聖朝受命奄有區夏
以雲南屠使連梗化開罪之師有不得已麾下長驅一鼓席
捲曲靖非天助順何以及此流言兵至如烈火遷其土著擄
其妻子故疑畏而不敢即也夫雲明遐荒歷代不能臣秦漢
通使諸葛孔明不留鎮兵諸夷信服唐鮮于仲通調師十二
萬而竟敗皆蒙氏前事也我段氏有國抗趙宋三百十五年



元興內附命仍大理部闡會以建昌威楚姚安鶴慶東川騰
衝等處并三十六酋長悉聽節制百三十年今賴天聰遣叅
議張普招懷諭來領雲南王金寶之詔麾下又榜諭信直世
夫民情向背基于撫虐天道損益應于謙滿可不戒乎且兵
久則變生事苦則慮易莫若班師罷戍奉揚寬大比備觀儀
先遣張元亨詣麾下聽諭傳友德檄曰天厭元德命我聖皇
經綸草昧掃蕩欃槍電驅席捲四海來庭南檄異區恃其險
遠蟻聚蜂屯嘗遣諭使愈肆猖狂特命討罪兵臨曲靖直抵
滇池旬日之間千里寧謐爾大理未嘗遣使今書來乃云吾
兵烈如猛火夫曲靖烏撒之戰白刃相向勝敗存焉况兵重
地人自為戰雖欲不猛其可得乎至遷其土著擄其妻子則
未之有也諸葛孔明亘古豪傑不留鎮兵用其渠帥蓋一時
之權宜鮮于仲通楊劍以進出自屠沽彼豈將才哉今玄闕
之北日本之南無不景附新附之州縣悉署銜廣戍為萬世
不拔之計領寶之說前憤梁王殺我使者故有是命如發兵
共滅唐副前約而大兵南下及率眾為援聞敗而遁又敢大
以祈前詔乎亟降當即奏聞否則深溝高壘以俟兵至欲為
城下之盟勢必不可得矣汝其察之



丁未白虹貫日

庚戌致仕叅政何真為山西左布政使

令天下朝覲官薦士

詔諭烏蒙烏撒東川諸夷其各洗心滌慮効順中國

是月宣德侯金朝興兵攻臨安元右丞兀台元帥完者都土

酋楊政等降

裁臨安宣慰司置臨安府衛改武定路為武定軍民府土酋

商勝知府事

三月壬子命駙馬都尉李祺賑河南水災

癸丑前軍都督僉事謝熊戈預左軍都督僉事馮誠署雲南

衛時簡致仕武官五十七人分守雲南

諭水西烏撒烏蒙東川芒部霑益諸酋各通道博十丈六十

里置驛


南寧衛指揮僉事單發為右軍都督僉事

甲寅詔平雲南

乙卯置雲南承宣布政使司汝南侯梅思祖平章潘原明署

布政使司事 上勅傅友德藍玉沐英等曰上古遐荒禹跡


所奄屬之梁州漢隋若唐莫不內統將軍率精兵不逾五日



取之自非重臣未可輕以付委特命梅思祖潘原明暫假布政使司事平定之後除代為真

張適曰滇自楚莊躡略定之遂留自王也至漢建元間王恢唐蒙司馬相如王然于等所招降下之者種以十數置益州郡而云自靡莫之屬滇為大今之縣為昆明者也北至標榆古曰雋州及所謂弄棟者今之大理也臨安者本句町丁地所為印人僰人也漢為牂牁郡而蒙化者漢之永昌曲靖者舊為東西蠻者也自雋以東北則徒斯為漢嘉而笮在雅州則皆蜀之徼也且漢初略夜郎置犍

為郡即今之戎州乃發卒治道自僰道指牂牁此又漢疆地之次也此又云自滇以西求身毒國往、閉昆明則雋之南昆縣也此又自滇略通徼外之跡也且滇在禹貢時為梁州界井鬼所屬分則固非九州之外窮荒矣地又沃穰千里名為富饒水土之美生物之盛十百他所雖絕遠其為要劇已可知矣今道所從入貴州古之鬼方也道隘且要假令一夫倡狂則懸車束馬之塗不知所出矣且以今兵威回秦時額略通五尺道黔中者大索之諸夷間廣為岐涂何不可哉夫制禦者先之形便則威無不迄久安




者據其要領則無偏廢不舉之患所謂搯吭拊背建瓴之
勢在我則雖有邪謀變計何能為乎且與其緣險塞徑懸
度臨不測道一孔之所出孰與交衢四注分裂其支郡而
閩梁出入動悉由我有事若從天而下豈足道哉又按漢
所為閩抹若梁孫水者若水出蜀旄牛徼外南道越雋印
都以至犍為朱提入于江所謂朱提銀者也則是水之所
出固自其界也而犍為故役屬西南夷又豈假他道也哉
丁巳賜六部尚書侍郎馬
已未左通政張統儀鑾司副使宋昱為雲南左右叅政通政
司左叅議韓鑰試左通政范希祖為左右叅議賜勅并賦詩
二章以待行

丙寅勅傅友德藍玉沐英等曰雲南諸夷自古叛服不常馴
服之道必寬猛得宜恩威並用兩漢十叛諸葛孔明平其地
終亮世不及亮卒後四叛唐九叛元七叛將軍觀此非惟制
其不叛重使其無叛耳

丁卯琉球國入貢

丁卯應天衛指揮使丁德為左軍都督僉事

辛未改製使節 置大名衛



甲戌天鼓鳴

翰林院典籍劉仲質為禮部尚書

夜有大星自七公流至天市東垣有數小星隨之沒

乙亥南雄侯趙庸盡俘廣東乳源縣山盜

募商輸粟雲南中鹽 是月播州宣慰使司隸貴州

閏二月甲申命禮部尚書定諸司移牘

南雄侯趙庸率師平廣東陽山歸善等蠻寇

丙戌日中黑 改雲南威遠府為威遠州

夜有大赤星自亢流至游氣中沒

戊子黃平衛改千戶所置平越千戶所改衛 又置楚雄衛

甲午賜雲南諸土酋冠帶誥勅任知州等官

乙未立雲南曲靖衛軍民指揮使司 置雲南楚雄衛

戊戌征南將軍穎川侯傅友德左右副將軍永昌侯藍玉西


平侯沐英等奉勅率師取雲南大理

癸卯西平侯沐英等進攻大理克之初元大理宣慰使段明

搤下閩王使定遠侯王弼由河水東趨上閩自率衆直抵下

閩而使都督胡海洋夜從間道出點蒼山後立旆其上昧爽

我軍抵下閩沐英騎涉河水齊馬腹壯士披羽先登閩破伏




軍又發從後夾擊拔之擒段明分兵四路取鶴慶略麗江破
石門關下金齒由是車里平緬等咸降諸夷悉平獲人馬亡
筭段明亡其臣楊名楊保皆自經國人義之合葬于弘圭山
楊慎曰滇焚于三代為荒服漢僅割分其地雖胡元力勝
之而不能守之也于今列箐落而郡縣之馴介鱗而冠裳
之華風渥澤同域共貫 昭代恢宇前是孰並傳稱神農
地過日月之表幾近是哉

高岱曰黔中古南詔地在鬼方之西漢武帝通牂牁羗焚
至鑿昆明池于長安習水戰固嘗銳意圖之而黔蒼金齒
之域終未能帖然盡入版圖唐一勤兵至覆師四十萬自
古及今未有郡縣其地寧謐抵定無反側如今日之盛者
盖由 聖祖神謨聖略而諸將規畫甚詳故能變荒裔為
文明道路險夷與兵將分合之機攻取前後之勢歷々如
指諸掌上雖生長其地習在戎行者未能若是之悉也天
生聖人豈偶然哉

甲辰諭刑部官曰笞杖雖輕亦傷肌膚自今凡民犯者送滌
州種苜蓿苜者十日杖十者二十日著為令

乙巳置平緬宣慰使司土酋思倫發為宣慰使改車里路為



車里軍民府土酋力坎為知府

三月庚戌朔置順寧府土酋阿悅貢署府事

辛亥置鶴慶府土酋高隆署府事

壬子置雲普南定軍民指揮使司

乙卯承勅郎茹瑞為通政使司叅議尋轉為通政司

令天下僧道田土不得賣買

丙辰改國子學為國子生

中軍都督僉事陳清卒清巢人善戰從渡江累功年五十七

追封合浦侯謚榮武葬鍾山之陰子亮襲英武衛指揮同知

置雲南大理衛

丁巳翰林編脩吳沉坐事降涓源教諭未行除典籍

戊午定征南賞格遣使入雲南給勞之

己未定雲南所屬各府州縣官知府十二州十三縣五十四

癸亥南雄侯趙庸籍廣東登戶萬人為水軍征勦海盜

勅孔瑭為曲阜知縣

孔子第五十五代孫


乙丑頒軍法定律

丙寅工部試侍郎趙俊為尚書吏部試侍郎李信為尚書吏

部司封貢外郎朱同

朱升之子

為禮部試侍郎



更定文武官吏相遇及公叅禮儀

己巳賜雲南文武官祭服

庚午禮部郎中杜思進為戶部試侍郎

河決山東朝邑令有司急募塞之不得虐民

辛未密雲昌平懷柔等縣蝗命有司捕之

壬申山西大同衛知事朱安仁試戶部右侍郎

癸酉楮幣聘文學汪叔喻等

甲戌復選致仕武臣署雲南郡縣事

乙亥初昏熒惑犯右執法

丁丑置永昌衛

四月辛巳廣東廉州巡檢王德亨上言家本階州界外水銀青

綠紫泥乞兵取其地 上曰開邊啟釁帝王之深戒苟用兵

爭利則後悔之無及 是月定封贈官制


置僧錄司道錄司總其教凡郡縣設僧綱司道紀司

甲申徒故元梁元把匝剌瓦爾密及威順王子相等 家屬居耽羅

丙戌詔天下通祀孔子賜學糧增師生廩

故龍虎衛千戶所俞賢南征戰沒命有司致祭賜葬

湖廣襄陽衛知事賈勵試兵部侍郎



丁亥太白晝見 初昏辰星犯井

刑部總部郎中閻育試右侍郎

壬辰詔曰上帝眷我生靈統一以來時愆雨暘終未凶荒江
左民減衣薄食助我興亡之供朕首定中原江西浙西為我
越大江入河淮抵北平而漕河南山東民東供遼佐北給北
平閩內民北攻山西：入閩中二省之民又皆惇實力田無
巧取無強陵弱今年夏秋稅糧盡行免之以寬民力
癸巳工部尚書趙俊請飾東宮以青綠不許
命國子生沒者給棺歸其家俾安故土

夜勞惑入太微垣端門


乙未改儀鑾司為錦衣衛

丙申定春坊為左右春坊設大學士左庶子諭德贊善司直
戊辰設雲南各府州縣儒學教官

己亥烏撒諸蠻復叛勅傅友德等曰諸蠻伺官軍散處故乘
間復作叛耳曲靖普安烏撒建昌勢在必守其東川芒部烏
蒙等處未可守也宜聚大兵盪除之使畏威方分兵守禦

癸卯儒士吳顯為國子祭酒

乙巳改岷州衛為軍民指揮使司



丙午戶部奏言天下進賦役黃冊其中每多錯悞宜逮罪

上曰地廣民繁悞不無也命官給費再造仍悞則罪之

旌表遼東石城高希鳳家五節婦南河寨裴皮鉄婦李氏節

戊申陸賢為駙馬都尉尚安汝寧公主陸仲亨之子

是月西堡蠻寇普定貴州衛指揮同知顧成擊敗之初攻城

堅壁不動徐伺其怠出北門挫賊

五月己酉朔皇長孫雄英薨追封虞王賜謚曰懷

設遷曰虞懷王本嫡長孫没而王之其時禮制未定故也

若封以皇太孫為當

乙卯監察御史雷勵坐失入人徒罪下法司按勵為刺戒三

丁巳給犯人囚米每人日一升

己未新作太學成舊國學改為應天府學

庚申五色雲見


辛酉遣祭武昌右衛指揮僉事孫靖延平衛指揮僉事馬驥

虎賁右衛千戶楊貴百戶嚴整驍騎千戶余清皆戰没者靖

貴整雲南清施州驥龍巖

乙丑上幸國子監皮弁奠釋菜再拜退御講堂親講大禹

臯陶謨洪範宴儒臣頒釋奠儀注于天下



丁卯散騎舍人耿瑄為尚寶卿 耿炳文之子

置陽春千禦千戶所

庚子頒國子監學規

辛未試戶部右侍郎朱安仁試左侍郎

癸酉鄆允道為戶部尚書 舉賢良方正 兵部侍郎王瑒改戶部

丙子廣平府吏王允道請開磁州臨水鎮鉄冶以擾民杖之

流海外 是月安南國王陳煇入貢

諭各省有司事凡勞民者必奏上始行之毋許擅役

丁丑遣行人勅天下有司訪經明行修之士年七十以下三

十以上聘送至京

是月上聞運卒溺海語群臣曰遼陽早寒土曠人稀朕不

欲置行省勞百姓衛戍之歲餉海上非得已也每聞一失當

航海之行家人懷訣別之意近復有溺死者朕通夕不寐爾


等其議屯田法

六月戊寅朔詔國子監官年高者值暑月及雨雪朔望免朝參

癸未四川茂州土知州官楊者七謀叛官軍捕討之盡徙羗

民于城外 是月置大渡河守禦千戶所

乙酉命各道選郡縣諸生年二十以上願入國學者送京師



丙戌勅傅友德等曰知盤江道梗且乏食可留兵四百守水
西城觀靄翠動靜普定留兵亦如之兩軍合勢攻烏撒諸蠻
食其糧彼奔命不暇尚及搗我空城耶否則士卒饑矣
夜填星犯畢宿

辛卯勅安陸侯吳復平涼侯費聚等曰符到可疾報征南三
將軍九烏撒烏蒙以及東川芒部盤江關索諸蠻悉率大軍
除蕩之爾二侯攻擊柵寨安陸總兵平涼副之若通關索嶺
路勿戰嶺上當分兵搗賊巢掩之彼彼各內顧不能糾抗其
旁土寨即未下俟三將軍合攻必克也

貴州諸番長皆來朝


南雲北勝州酋長高策甫七歲率所部降後十年入朝送太
學及長還為土官令所歷土官視效之蒞事之日即禁通把
事毋置田宅以漁于民邊境賴之以寧

壬辰禁各省官民等服飾玄黃紫色

大定王國樂工樂器冠服之制

雲南志書成命儒臣採訂為六十一卷

癸巳故濠梁衛指揮僉事如臯朱顯忠贈鎮將軍指揮使司
顯忠于洪武四年守文州禦西戰死



甲午暹羅斛國入貢

辛丑初昏大星自閣道旁流至大將軍沒太陰犯畢宿
是月沐英自雲南大理還軍滇池會傅友德進擊烏撒

七月戊申朔太白晝見

癸丑詔免歷日工錢初頒歷民間有司例徵工錢 上曰頒
歷授時君之職也止勿徵

乙卯故元四川分省左丞瓦剌蒙遣理問高惟善等自西番
前爐長河西來朝尋遣還 是月榮澤陽武河溢傷人

丙辰禮部侍郎吳玄為山西按察使司


辛酉太白星晝見

甲子山西解州學正孫詢訐稅使曾必熹故善胡惟庸今改
名必貴故元參黎銘逃王官谷為道士今仕聞喜縣訓導嘗
訛謗朝廷 上曰訐非儒者事竟置之不問

丁卯彗見于西南

己巳勅西涼都督濮英及守禦都指揮宋晟曰七月二十日
彗出于西南主賊兵之象自今回之地有駝馬羊入止遣
一二人往視之切勿兵迎恐借質馬之名潛伏兵也

勅征南將軍傅友德等曰人來皆云守禦無糧以朕坐料莫



若大軍守雲南大理楚雄臨安曲靖普安其身子裡守禦處
如東川芒部烏蒙除烏撒見守令其人民給軍足歲餘且勿
駐軍使軍都督合往攻殺令諸蠻服畏然後從東川衛于七
里^星關南一日半烏撒^北一日半立一衛令東川人民給軍足歲
七星關立一衛或烏蒙或芒部令其民人給軍足歲自永寧
南至七星關分中劄一衛令六詔弄子等蠻給軍足歲郵傳
四達軍勢交通有變勦捕便可會合若深入萬山割而守之
深昧阻絕難以制伏矣
旌新樂韓太初婦劉氏孝行太初以元知印例遷和州卒劉
氏事姑甚謹嘗到股和粥喪不能還哀號五年^上聞之資


其歸葬賜衣鈔

辛未李堅為駙馬都尉尚大名公主

壬申監察御史馬守中錄囚福建

乙亥前國子助教洛陽開濟試刑部尚書楊汝賢試侍郎
傅友德沐英進擊烏撒大破之斬三萬餘級餘遁又追捕之

丙子命天下諸司官朝明年元旦
山東棠邑縣人坎地得黃金有司以進^上仍歸其人
是月斬春侯康鐸卒^{康茂才之子}
鐸嗣爵後墾田鳳陽征湖



南長州洞獠平松疊諸州巡海從徐達北征至是南征年二十有二贈蘄國公謚忠愍葬于幕府山之陽子淵幼

宣德侯金朝興卒朝興巢縣人從渡江定浙閩累功都贈督

僉事屬西平侯平西番洮河戎至是征雲南會于會川年五

十二還葬太平門外追封沂國公謚武毅子鎮嗣

後貴州平壩衛指揮世襲

八月辛丑朔詔復天下科舉期三年一試著為令

陳 陞曰古之選舉專論行今之進士專論文似相背馳

然古以行舉者未必便保其終如茲科目雖以文進而進

士一科尤世所崇重士登其目者未免自顧科名愛惜行

檢不敢為非是勵行崇化之道實默于間寓于其間古之

辟舉蓋異轍而同途矣

楊慎曰本朝以經學取人士子自一經之外罕所通貫近

日稍知務博以詳名苟進而不究本原徒事末節五經諸


子則割取其碎語而誦之謂之蠹測歷代諸史則抄節其

碎事而綴之謂之策套其割取抄節之人已不通經涉史

而章句血脉皆失其真有以漢人為唐人唐事為宋事者

有以一人折為二人二事合為一事者予曾見考古程文

引制氏論樂而以制氏為致仕又士子墨卷引漢書律歷



志先其美命作先美其命近日書坊刊市其書士子珍之
以為秘寶轉相差訛殆同無目人說詞話噫士習至此卑
下極矣
已卯有廣東儒士上治平策上曰安有立說數千言不一
及用賢者乎

庚辰王寧為駙馬都尉尚懷慶公主


勅監察御史余公大錄囚泰州

辛巳勅勞征南將軍傅友德副將軍監玉沐英曰卿等南征
諸夷兵臨普定如風行艸上風去草抑致有小疵及入雲南

擒首帥曲靖之西敗烏蠻可渡之北席捲金馬碧雞摧堅敵
于點蒼山下金齒不戰率土而降雕題聞知獻生遺貢檄從
百夷之種威來八旬之邦將軍勞至矣欲勞樽酒遂不能及
特以朕心勞之
先是減死戍邊者多艱衣食上聞而閔之命還家取資與
為期五十三人先至上善宥之給費還里
嘉定縣饑貸倉粟二萬一千一百二十石

頒學校禁例十二則鐫碑卧明倫堂之左

夜有大赤星自天苑行至天圍没有二小星隨之



壬午諭禮部以郡縣申明亭緊書雜犯小過非懲惡之意自
今犯十惡奸盜詐偽有傷名義贓至多者書于亭餘非干風
化一切除之

丙戌 皇后馬氏崩 后微時依郭子興家事 上備極艱

苦每佐征討大策補縫行間雖貴極謙素不渝 上或譴怒

輒婉解朝夕尚食手劑之其謹微類此疾篤不復飲藥曰藥

無益徒為醫者累年五十一 上慟甚逾年宮人歌曰我后

聖慈化家邦撫我育我思難忘不忘懷思于萬年必彼下泉

悠蒼天

丁亥百官奉慰命考皇后喪服之制京官人給匹布製服

戊子定 大行皇后喪禮京官入臨三日

己丑監察御史張良有罪下獄死疏自訟貶雲南府教授

肥城知縣宜興陳好問上言奉為漢閏隋為唐閏元為國朝

之閏伏望慎刑罰昭勸懲緩徭役容直諫致中和以丕顯文

明之治 上善之

延安侯唐勝宗長興侯耿炳文巡督陝西城守屯田


癸巳勅責平山衛指揮陳鏞擅遣軍三百人追逮補伍其至

京具陳其由

國權

洪武十五年

九



乙未勅傅友德等曰知大軍七月二十八日圍烏撒俘獲次第見搜林箐諸蠻地多山徑隘必會合永昌平涼安陸三侯王張郭三都督軍士一處彌滿搜索則彼無所逃匿近入自七星關來道及芒部烏撒二蠻夤夜持炬照道挈家竊翠地方當今靄翠蠻盡出以獻關索嶺非古正道又在西北西南甚為不隘人馬經行必令大軍蕩滌開通以接普定芒部酋目必盡獲之

丙申定謚大行皇后曰孝慈

庚子 上始釋服視朝

辛丑作蜀王邸于城都

命吏部以七條考徵至秀才

壬寅秦王

櫟

晉王

櫟

燕王

棣

周王

櫟

楚王

櫟

俱入臨


靖州衛指揮僉事龐虎等勘地賄入調守靈益臨安二衛

勅傅友德等曰雲南糧餉甚難當有處置乃可久居舍人至

軍中令諭守禦軍人毋輕逃竄入蠻未有得出身地不被殺

深山中即亦檄木令種田也三侯三都督皆會合搜殺勿成

軍無糧處可亦水畢節七星關各立一衛又立一衛于黑張




以南瓦店以北分布守定聲勢相犄水西靄翠用十萬軍盡
蹂躪之此等料度皆我坐筭得可行與否軍中聽便
滎陽侯楊璟卒璟合肥人起太平摧城先登從征江漢克
全永清江贈芮國公謚武信子通嗣
黃金曰璟本俎豆中人而好軍旅其志在于撥亂濟世故
其用也威望著于分閫功業見于專征我
聖祖初平吳
命即徐達常遇春取山東胡美取福建璟取廣西廖永忠
取廣東四征而天下大定璟之功于是為大自餘隳城拔
砦執俘獻馘出于指揮談笑之間又多足以潤色大功蓋

其甲兵素韞于胸中故其勲烈茂昭于馬上諭蜀一書識論
偉甚見其以文飾武古有所謂儒將者璟其近之者矣若
夫勝負兵家之常固有如
聖諭所及奚得以此而少之
是月廣東萬州崖州人作亂陷陵水縣海南衛官軍擊敗之
追至藤橋斬三百餘人

九月丁未朔太白晝見

戊申勅傅友德等知盤江道未通無糧甚也符到水西但留
四百城戍者靄翠變否爾雲南普定亦四百戍之有糧蠻人
日合軍往攻莫徒困守空城饑我軍士且夫蠻應吾攻之不



暇何更餘力搗我空城

已酉吏部以經明行脩之士鄭韶等三千七百餘人入見

上曰卿等固皆賢人君子山林之下又豈無如卿者具悉告

朕于是單縣儒士張寧薦宛平董倫復遣使往徵之

乙卯五色雲見

儒士蕭尚仁為潭府左長史辭老改平涼訓導

諭吏部善待徵士其或疾卒者有司給柩歸其家

己未夜填星犯畢

壬戌始鑄御史印曰繩愆糾繆

癸亥始設各道按察分司儒士王存中等五百二十一人俱

試按察僉事八治縣期暮年轉官陞辭上曰吏莫甚貪

庸鄙次之廉問糾舉勿蹈因循

致仕晉府長史桂彥良上太治平要十二事法天道廣地保

利順人心養聖德培國毓開經筵精選舉審刑罰敦教化馭

戎狄蒐才俊廣咨訪上嘉納之

甲子聖節以孝慈皇后喪免朝賀


乙丑戌逃軍于雲南

夜熒惑犯南斗

國權

洪武十五年

二五



丙寅勅傳友德等曰九月乙丑熒惑犯南斗盖天象示戒卿等宜加戒飭且蠻夷好毒水中將士飲食尤各慎之是月五色雲見

丁卯北平閔隘二百餘處俱設兵戍守

己巳夜有大赤星自井宿天樽東行丈餘沒

庚午葬 孝慈皇后于孝陵

占城國入貢

壬申儒士沈士榮上章請召對條列事宜 上納之尋授翰林待詔

是月雲南諸夷復叛初我分兵攻諸山寨雲南成卒少諸夷欲乘我土官楊道詒之曰總兵官回矣雲南城可下也糾眾二十萬來攻都督謝熊馮誠力拒發弩射之間出擊賊因連營為固沐英等自烏撒以萬騎至賊執我偵卒卒詒云三十萬眾且集因駭遁走安寧羅次等又勦平之


遷番禺東莞增城降民四千四百餘人于泗州屯田

十月丙子朔更置都察院監察御史八人正七品秀才李元明徽等為之又浙江河南山東北平山西陝西湖廣東廣西各道按察若比御史正九品

國權

洪武十五年

三



桂林理定縣主簿宜君楊時敏罪戍雲南言家有母年八十
餘夫侍九年乞便道省母就戍 上憐之復其官祿迎養
勅傅友德等烏撒若平便趨芒部即平芒部烏蒙東川脫令
來歸且權待之莫責其虛實先調軍勦毋役西蒲等處然後
復往下之最後乃下水西人

已卯 孝慈皇后主祔廟

辛巳夜有星自天井至流星宿沒

壬午署雲南布政司事汝南侯梅思祖卒思祖夏邑人本元
義旅從張士誠以右丞守淮安降于徐達從征晚撫夷方人

甚安之還葬于鍾山之陰

癸未刑科給事中栗恕試戶部侍郎

詔天下來朝官各舉一茂才

丙戌增內使三百六十一人

戊子令各省按察使司精考儒學官

頒劉向說苑新序于天下學校

置徽州守禦千戶所


南雄侯趙庸奏言討平廣東群盜

癸未秦王櫟 晉王櫚 燕王棣 周王櫛 楚王楨 各還國

國權

洪武十五年

五



乙未詔齊王樽之國青州

丙申命刑部都察院大理寺錄囚

夜太陰犯軒轅右角

戊戌諭刑部禁越訴

庚子定諸司錢糧刑名常行事擬大政事請旨處分

壬寅故元平章月魯帖木兒自雲南建昌來朝

刑部尚書開濟言諸司奏劄輒千萬言難省 上然之禁煩

文出入人罪

癸卯北平有子訴父冤法司擬以越訴之罪 上曰凡子訴

父情殷親也非冤枉不敢訴着勿論

故驍騎右衛指揮僉事武陟李英從征烏撒戰沒贈指揮使

子堅駙馬都尉

甲辰大將軍徐達還京


十一月丙午朔置雲南益課提舉司

癸丑冬至以 考慈皇后葬喪常服行禮

丙辰命天下衛所月益俱鈔代

丁巳諭都督府各都司不許役軍營造

高遜志試吏部侍郎張太來儀為太常司丞



江南上海縣訓導顧或為戶部左侍郎


戊午倣宋制置殿閣大學士禮部尚書劉仲質為華蓋殿大學士翰林學士宋訥為文淵閣大學士檢討吳伯宗為武英殿大學士典籍吳沈為東閣大學士仲質尋降監察御史庚申宥振武衛指揮桑桂以積勞併復其官

辛酉五色雲見

徵耆儒崇德鮑恂上海全思誠安吉余詮高郵張長年至京恂年八十餘皆年七十餘禮部主事劉庸薦上賜坐顧問拜文華殿大學士皆辭老上曰留卿等輔導東宮耳免

早朝從容侍對不久聽還庶不負卿平生恂等復固辭皆放歸又鄧州張紳後至授鄆縣教諭恂少師吳澄著大易傳義等書學者稱西溪先生思誠等並著學行上海縣志思誠為文華殿大學士兼左中允致仕勅曰卿懷抱德學擬古人惜乎以衰老之年志雖存而力不能任朕不忍復勞令卿還鄉里以撫子孫享其奉養

廖道南曰粵自商山茹芝冥鴻寥落上下千載數人而已
思誠勅賜恂詮被寵麗眉皓首安車蒲輪雖竹帛所載圖
畫所傳何以加焉



戶部左侍郎程照為雲南黑鹽井鹽課提舉司提舉

壬戌修國子監書板

甲子儒士董倫為右春坊右贊善

丁卯勅都指揮使詢所徵秀才為僉事者具行實以聞

上以浙江江西民好訟諭戶部頒示浙江江西民各改過從

善永為遵守

普定軍民知府者額來朝上手作誥賜之

郭子章曰貴州知府我明自者額誥文見御製文集者

額能讀漢書拜為知府奢香入覲金陵封為夫人高皇

帝所以羈縻者意可知已今或使之鬼過之犬羊誰詬

之欲其無躄躑得乎

戊辰都察院以巡按事宜頒各省按察使司

己巳夜太陰入氐宿有大星自天苑流至游氣中光燭地汲

庚午吳印張統為雲南左右布政使

令各省布政使司監造兵毋許衛所自作

壬申監察御史任昂為禮部尚書翰林典籍李翀為侍講學士


署雲南布政使司事平章潘原明卒原明江南泰州人從張

士誠起兵後歷浙江行省平章守杭州士誠亡降入朝食祿

國權

洪武十五年

文



不署事世指揮同知賜葬于鍾山之陰

癸酉置五軍十衛參軍

兵部尚書唐鐸為諫議大夫都御史趙仁為兵部尚書

是月裁故元廣西路宣撫司置廣南府土酋儂郎金為同知

十二月乙亥朔封中軍都督僉事李新為崇山侯

孝陵功

故元平章月魯帖木兒為建昌衛指揮使土官例不俸特給之

辛巳日中黑

癸未故驍騎右衛指揮使郭某妻柏氏贈貞烈德人氏殉死

旌典降正妻一等

乙酉定天下僧道服色 是月浚江南揚州儀真等官河

丙戌詔各部逮繫人悉送訊刑部

辛卯以北平大水傷稼許月給屯軍米毋苦饑

丙申定雲南安寧益井中益法

戊戌定河泊所官凡天下河泊所共二百五十有二

己亥永城侯薛祿南雄侯趙庸懷遠侯曹興練兵山西

夜有大赤星自天船至天火將軍分為五星至奎宿没


庚子訓導滿九年為教諭

辛丑罷山東濟南青州萊州等郡採鉛

國權

洪武十五年

天



是月勅通政使曾秉正曰朕觀昔帝王之用臣也無疑而臣
懷奸者奉君多智是有作聰明探王嚮是非喋出斯古人所
以歿姓陷身爾秉正聰敏幹辦凡有言慮朕常聽從何其計
出多端自欲深根後程乃有效古殺身之奸夫鰥寡孤獨聖
王先恤爾誦古聖是非曉然矣朕憐爾才能免死免竄使還
鄉里爾鸞四歲小女聲曰為資昔人有云忠臣去國不潔其
名爾何如也既不能父難種于父朕命閣是其罰矣

國權

監官設遷孺木著

癸亥洪武十六年

正月乙巳朔 上御殿朝賀不舉樂

賜琉球國中山王察度山南王承察度各鍍金銀印時中山
王山南王及山北王怕克芝爭雄長 上各勅諭之


丁未詔諭雲南諸蠻遣紀事奉御徐保諭大將軍今年至十

月月三次犯畢主大戰防水每屯軍須自穿井

戊申白虹貫日

國權

洪武十六年



壬子諭刑部尚書開濟都御史詹徽等曰論囚須原情毋深
致人罪昨有子犯法父求賄免御史併論夫父救其子人情
之至也朕赦之自今論決必覆奏
甲寅夜月食

丁巳國子祭酒河南吳顯免以臣子弟怠學也武

戊午魏國公徐達鎮北平

辛酉勅松州衛指揮僉事耿忠賦西番民馬三十戶輸一

壬戌文淵閣大學士宋訥為國子祭酒

命有司犯人自徒流而下代農民力役贖罪

命烏撒烏蒙芒部三府隸四川

曹國公李文忠兼領國子監事以公侯子弟怠學特勸勵之

二月乙亥朔上觀唐太宗帝範歎曰此十二篇雖于古帝王

有間然子孫克守其言唐不世哉故祖宗之法有國家者


所當守也

丁亥旌安平烈婦張氏氏國子生翟德德竊比舍生物氏字

耻之自經命旌于父家

己丑東閣大學士吳沉等進精誠錄上覽而善納之

丙申令各郡縣儒學歲貢諸生一人于京師



故元雲南右丞相觀音保參政劉亘不花等送至京授觀音保金齒衛指揮使賜名李觀

辛丑開濟實授刑部尚書

勅遼東都指揮使潘敬曰二月六日夜太陰有象胡主兵入寇已發兵屯真定北平如果犯遼即以平兵邀歸路毋逸故元軍士占籍為民相告者不理

三月甲辰朔勅傅友德等曰卿等久勞于外班師之期宜自審度復勅沐英大軍一回恐彼相煽惑為患爾留鎮之

永免鳳陽臨濠二縣徭賦

罷天下郡縣按察分司是月定詐偽律條

乙卯故龍虎衛指揮使胡斌戰曲靖黑松林中矢死贈都督


同知 胡海洋之子

勅四夷及土官入賀者會集近畿同入京

四月乙亥 上語侍臣曰人君不能無好尚好功則貪名者進好財則言利者進好術則游說者進好諛則巧捷者進有好即累其心故好功不如好德好財不如好廉好術不如好信好諛不如好直

松潘等處安撫司納馬置驛

國權 洪武十六年



庚寅刑部尚書開濟議法巧密 上曰竭澤而漁害及鯢鱉

焚林而田禍及麋穀巧密之法百姓何堪非朕所望也

辛卯故錢塘衛千戶金全椒袁興從征雲南贈指揮僉事

故元海西右丞阿魯灰求內附勅勞之

賜暹羅占城真臘諸國勅合驗朝臣出使者

五月乙巳勅天下衛所習射各月十選其一赴京師比試

戊午廣東都指揮使司狄崇乞封妾何氏淑人不許

庚申定嫡妾封贈及文官封廕例

六安侯王志安慶侯仇成鳳翔侯張龍督兵往雲南繕城立

屯置郵傳安輯人民

免應天太平鎮江寧國廣德田租

六月癸酉朔勅傅友德等曰近聞永昌侯軍出食瀘叙意甚佳

也第不知何時可過幾時若駐瀘叙不久欲還曲靖等處不


知秋收可幾何地產民賦可幾何計至明年新獲之交可不

懸心人來言亦九子寨蠻寇邇四川恃險不賦時出中途損

我軍士莫若于內踐食一冬擒獲其人亦使之畏來春軍還

休瀘叙可爾

甲戌刑部尚書開濟議五六日旬時三審五覆之法 上戒



毋徇其名 是月選舉儒士 又定考覈之制

改都察院正王三品設左右都御史副都僉都御史各道按察司從三品設按察使副使僉事

已亥勅傅友德等曰聞雲南老人言死可伐地方三十六路其初元人皆有之後乃析入蠻當元之世雲南大理不知其蠻又侵楚雄西南之遠幹威遠二府以此觀之不可不備還軍遲速尚宜度思其亦九子寨戎縣地面五村大壩上下落鄉十池等處及黃平羅木洞蠻靄翠管下阿呂雨宗碎瓦莫得阿胡那等蠻助烏撒叛者大軍所過就便合勢略加以威

如可行之不可還軍 還須從黃平辰州沅州岳州直至武昌載舟為便 是月倭十六艘寇金鄉衛官軍拒卻之

七月庚戌 上謂侍臣曰自昔興王勤業儉亡主奢侈其失得可鑑後人不知戒何也大抵心清則無欲無欲則不受縱苟心縱則驕奢淫佚日至不旋踵而敗矣


熒惑出太微垣 御史錄囚各者 山西左布政使何真致仕還廣東集舊部兵校二萬餘人送

京師

國權

洪武十六年

五



癸丑勅傅友德等曰朕思還軍一節尚恐未可曲靖等處雖支吾近餉未見謀及冬春假令曲靖下種八百餘石不過收稻八千餘擔僅得四千餘米守禦軍士月約三斗計不耐冬盡欲待明歲夏麥何以充腹若守軍無糧則大軍一還勢必至于逃散城虛復作患矣計雲南現在尚有未服蠻夷可攻而取其糧待諸郡收穫乃可還大軍符至多方思其便

戊午更定冕服之制

丙寅武德衛指揮使梅義梅思祖之子為遼東都指揮使


庚午太白晝見四日

八月壬申朔日食

癸酉令內張臣林徵鳳陽親隣二十家赴京賜衣履入見謹身殿宴于奉天殿左廡令宿于會同館明日早朝入見東宮各賞鈔宴上親送之西長安門

甲戌上諭右僉都御史詹徽等曰比者政事苟且上下相蒙闔郡連歲不聞有所激勸或乃云吏稱民安其令御史及按察司巡歷訪察之

丙戌東閣大學士吳況進講後期降翰林侍書尋改國子博士戒武臣毋受民囑托撓有司



旌表江南邳州孝子李英

九月辛丑朔國子生親在三年一歸省仍許歸娶奔期喪
壽節復常儀不舉樂

癸亥申國公鄧鎮為征南將軍臨江侯陳鏞濟寧侯顧敬為
左右副將軍率兵討江西龍泉等縣山寇時廣東徭人作亂
江西永新龍泉縣民煽動都指揮同知戴宗勳之不克

鳳陽大龍興寺告成

即皇覺寺
有御製碑

遣給事清戎


命各來朝官豫進功業黃冊

十月辛未朔授武定軍民府女知府商勝中訓大夫誥賜冠服

金帶

故土官法叔之妻

劉文徵曰施羈縻于夷狄非絡首穿鼻之術蓋之授爵賞
被之章服俾自為治而用夏之變興焉全滇諸夷其麗不
億而提其綱領則自土知府而下數等列冠帶者百十人
或縮符與銅墨雁行或捍圍與游徼旅進或沒齒不與期
會或經年不釋介冑深山荒服崩獸角以奉版章棘桃矢
弧賈龜怒而敵王愾無選擇更置之勞有奔走禦侮之効
此羈縻之善物也其或負三苗之固雄夜郎之大跋戾病



于指脛縣疣既于唯吻潰癰必決而存亡繫之矣

召魏國公徐達雄武侯周武永平侯謝成鞏昌侯郭子興南

雄侯趙庸永城侯薛顯都督僉事馬雲蕭成等還京

高麗遣使入貢方物卻之命禮部尚書移檄責其斯詐如聽

約束當輸前五歲入貢馬匹金銀

辛卯右僉都御史茹太素降翰林檢討

壬辰太白晝見三日

乙未頒鄉飲酒于天下

是月安陸侯吳復卒于普定復合肥人以義兵自歸累功都

督僉事從沐英平西番洮州既封再征普定及廣西城泗州

蠻殺獲甚衆妾楊氏年十七自經還葬鍾山之陰追封黔國

公謚威毅子傑嗣末年降南京衛指揮封楊氏為貞烈淑人

郭子章曰吳黔國公定普定卒于盤江衝冒矢石體無完


膚所謂以身殉國非耶至于艾妾自經以殉黔國忠臣烈

婦萃于一門主臣夫婦無遺憾矣

十一月壬子祀李冰文翁張詠于成都祀黃霸于鈞州卓茂于

密縣祀陸遜杭凱于松江祀李龍遷于隆州祀狄仁傑于彭

澤祀謝夷甫于建州祀李黼于九江祀李宗可于安慶宗可



元義兵萬戶佐余闕戰守同時死

定朝叅官吏坐次

命在外上表箋必遣職官

諸司來朝及使還者先朝後詣所司

十二月庚午朔賜在京官民元宵節錢

歲貢生部試後送國子監

武英殿大學士吳伯宗以弟三河知縣吳仲實薦舉失實降

伯宗翰林檢討

陳仁錫曰坐其弟薦舉不以實降官國初之嚴于薦人也

甲午刑部尚書開濟及侍郎王希烈郎中仇衍主事王叔徵

等伏誅濟強敏綜核 上最委任怙寵螫人善深文莫能自

脫又立簿曰寅戌之書限僚屬出入 上責之曰古人卯入


酉退今違之非人情濟不聽嘗揭部例于文華殿 上又責

之其鬻獄借死囚脫代獄官發之竟捶獄官死又嘗竊人驢

勒賞役甥女閔氏見劾每懷奏不即上務伺旨觀望 上怒

下濟獄廷訊并誅希哲等蓋濟雖才辨而狡毒諛悅終亦不

自免也



國權文彰報國八頁

長民並立古帶甲更姓五二品隔人監官設遷孺木著

甲子洪武十七年

正月己亥朔定軍士脩城毋得役民

乙巳孔訥襲衍聖公

孔子第五十七代孫

優給故官家屬

丁未郊


戊申旌山陰徐允讓及妻潘氏節孝允讓嘗值寇斫其父安
頸大呼曰寧殺我毋殺我父寇果舍安而殺允讓將辱潘氏

國權

洪武十七年

一

國家圖書館, NATIONAL CENTRAL LIBRARY, TAIWAN, R.O.C.



給曰夫死從汝必矣若能焚吾夫則無憾也寇信之潘氏聚薪焚夫即投火中而死至是有司以聞上以徐允讓能捐生以救父潘氏能給賊以全貞難得之事也詔旌其門左僉都御史詹徽為左都御史戶部右侍郎栗恕試尚書叅軍府左叅軍劉達試刑部尚書右叅軍麥至德試工部尚書右僉都御史邵質給事中徐文顯試刑部左右侍郎虞部郎中韓鐸試工部左侍郎工部總部郎中李端試戶部右侍郎是月進左右都御史秩正二品副僉進

須文達那國入貢

已未勅景東土官俄陶為景東知府麗江土官木德為麗江知府土官那直為沅江知府高政為楚雄知府阿散太和縣正千夫長兼試千戶

命文官居憂歷職五年無過給半祿終制三年者全祿三月

壬申信國公湯和巡視浙江福建山東海道

甲子起余燠為吏部尚書

丙寅諫院右司諫官賢翰林侍讀學士李翀為山西浙江


山西左右布政司

遣僧智光等使西天尼八刺國

國權

洪武十七年

二



三月戊戌朔頒科舉條例五經皆主古註疏不專宋儒也


曹國公李文忠字思本臨淮人卒文忠係上之甥從起兵定浙終北元上都沉厚誠恪釋近儒生逡巡書史勸上少殺僂又諫宦官太盛上怒其館客教之盡殺其客遂病悸不治又族誅諸醫及侍婢六十餘人年四十六追封岐陽王謚武靖賜葬鍾山之陰子景隆嗣

蘇伯衡曰偽吳之滅由王覆之諸暨元祚之終由王夔之應昌遠若西番之地無不涉歷而疆理焉所謂有以服人于智力之外而勲蓋世者哉皇上眷遇加異無間存没固自由此非徒以肺腑故而崇獎之也

王世貞曰岐陽王不數為大將輒有功效敦詩說禮有儒者風斯所以肺腑哉高皇帝起民間婁更燹饑饉兄之子獨大都督文正姊之子獨岐陽大都督不善居勲父

子以廢徙而高皇帝念之不絕蓋二百餘年而南面猶故也臨淮之紹侯其亦高皇帝遺意哉

袁表曰岐陽王高皇帝姊之子也以肺腑之親攀風雲之會東征西討所向輒克五出漠北深入不毛之地克上都破應昌殘胡竄匿獸駭鳥散繫孫子擄名王雪白登之



風耻攄青衣之積忿壯矣哉雖李靖之禽突厥介子之斬樓蘭茂以過也家居恂恂若儒生賦詩歌雅有祭征人之

風詩曰文武吉甫萬邦為憲吉甫岐陽王有馬

庚子征南副將軍申國公鄧鎮等平永新龍泉山寇

丁未江夏侯周德興請開荊州嶽山壩以通水利從之歲灌

民田增租四千三百餘石

征南將軍穎川侯傅友德左副將軍永昌侯藍玉班師入朝

停寶鈔

定有司祭祀僧道官不預

甲子大赦

丙寅改刑部都察院大理寺公署于太平門之外名其處曰

貫城

四月戊辰朔頒八事于州縣為掣令

壬午論平雲南功進穎川侯傅友德穎國公世襲永昌侯藍

王安慶侯仇成定遠侯王弼並世爵祿二千五百石封後軍

都督僉事陳桓普定侯右軍都督僉事胡海東川侯前軍都


督僉事郭英武定侯張翼鶴慶侯世襲祿二千五百石賜鉄

券餘將校遞陞有差

國權

洪武十七年

四



癸未賞征南將校正總兵綵幣二十雙鈔百定餘有差
更定內官六尚局品秩

濟南衛指揮何誠言幼孤伯父子之雖先人已贈乞推恩伯
父示報事下禮部謂宋右僕射李昉封其繼叔兼贈本生
上乃許之

己丑旌釣州卜者張宗魯孝行宗魯幼瞽避亂負母路氏曲
事之終還鄉合葬

庚寅改征南將士遺骸棺葬之
德慶侯廖權卒賜葬于安德之外 廖永忠之子

乙未翰林編脩吳伯宗卒伯宗金谿人洪武辛亥進士第一
溫厚詳雅博學能文所著南宮集使交趾集成均玉堂集
五月辛丑平越衛指揮使鳳陽孫恪仍為後軍都督僉事


辛酉吳高嗣江陰侯吳忠嗣靖海侯

是月勅遼東守將唐勝宗絕高麗必歲貢如約始許之

六月丁卯朔詔天下官吏朝正且書功于冊圖土地人民俱

臘月臨盡五日必畢至惟雲南遠徼免之

庚午 上御奉天門諭群臣曰治天下之道惟禮樂禮樂必
並行然後化淳或以有禮樂不可無政刑此特輔禮樂為治



耳卿等宜加意焉

辛巳命禮部作大成樂器頒天下學校

置各省郡縣醫學陰陽學

夜福建長樂縣大風雨傷稼溺人畜免今年田租

高麗國王遣使謝罪請進馬二千匹代貢金許之

丙戌歲星填星太白星聚于參宿

辛卯福建按察使鄞縣陶垕仲僉事上虞謝元功勅左布政

蘇州薛大方貪淫上即令按察司訊之大方亦誣辨並逮

入聽于都察院大方伏誅洪武四年進士垕仲元功復官闕

人快之

乙未河南睢州河決是月作國子監祭服

七月戊戌勅各內官毋預外事諸司毋與內官監移檄來往

作朝天宮

上御東閣語翰林待詔朱善等曰人主以天下之好惡為好


惡則公以天下之智識為智識則名又曰君子揚人之善不

揚己之善貸人之過不貸己之過又曰萬事不可以耳目察

惟虛心以應之四方不可以智力服惟誠心以待之

己亥徐允恭署左軍都督府事

信國公徐達之長子



癸卯曉太白犯天樽

丙午諭吏部嚴薦舉冒濫其申嚴之凡考覈務從至公

許各官迎養父母者皆官給舟車

甲寅遣國子助教楊盤等使安糧南徵糧助雲南軍餉陳煇

係南安國王

即輸五千石遣使運于臨安

命吏部簿錄朝覲官所薦屬官及儒士人才記其舉主姓名


任滿考當否為黜陟

免應天太平鎮江寧國廣德滁州和州今年官民田租之半
諭戶部定里驗丁糧贏縮產業厚薄均其力

丙辰皮作局大使許士哲上言治道之要明賞罰以清官吏
問疾苦以安民生均賦役以甦民力嚴銓選以擇人才揀精
卒以杜妄費興武舉以羅英才崇節義以厚風俗明禮義以
教萬民立平準以利商賈置常平以惠農民用直臣以任糾
彈開言路以通民情滅亡胡之餘燼以絕後患監前代之興
亡以壽國脉 上嘉納之

北平降卒編入京衛者悉放為民


徵士陳遇卒遇字中行江南江陰縣人元浙江温州府教授
退歸顏其堂曰靜誠 上渡江即遣使聘之最眷注嘗曰吾



子房也所奏對每秘不輕示人嘗三幸其第屢拜官不受最
後辭禮部尚書遂不復強時時人稱為靜誠先生賜祭葬

楊士奇曰予聞先生志尚清遠興韻蕭散游心繪事嘗寫
高皇帝御容妙絕當時然未嘗自名世亦無能得之者先
生有弟中復嘗隨入侍永樂初授翰林待詔予數得晤語
其為人端重清雅不苟言笑間出論議娓娓近道亦妙繪
事為文皇帝所重時中復子孟顥以善書從予翰林簡
靜脩潔絕口不道繪事予間與中復語及之曰此兒頗有
志操不屑意鄙事者也少年在先生側戲弄筆墨先兄叱

曰吾豈他無一長汝乃習其下者今雖老每思前言未嘗
不內愧然已無及矣嗟先生履素操潔識明義正草運夫
之際躬荷知遇卒完所守以沒雖一藝所晚昔人不免春
苑池之屈先生浩然之氣不為時屈豈非一世之豪哉
林之盛曰異哉陳公謂其冥鴻而時在帝旁謂其從龍而
不受帝職客星之位不賓之臣與功名非不可記而皎
霧外思若起羊裘叟而媿美之者真聖代異人也士各有
志玩志與用世不同李贄乃謂公在劉誠意伯恐非確論
馮時可曰陳中行先生以抱懸黎之姿日侍于斧扆而始




終不就一官真確乎其不可拔潛龍哉其于四皓咸以布
衣匡天下四皓四出不留先生久留不官要無于所緇染
歸潔其身鳳集鴻飛抑何以異于此至于削草焚札無得
而稱陳群之長者何如 上所以屢嘆夫君子也

朱國楨曰靜誠先生召見時年方強仕非秦元之篤老比
曾為教官亂而退隱非輕世肆志者此得遇聖主參帷幄
蒙賞賜非洗耳投淵果于忘世者比其決于辭官辭而
皇祖亦不力強此其人本末可知始為秦元之所薦既又
合薦陳文輝博得飛龍在天一書聲氣學問自是儒者一
派然文輝辭于始應于後卒以迂滯投金水橋以死靜誠
逃死非逃官也當日與王景象得此數人自負未肯即臣
皇祖因而風厲待之非三傑非四皓外不失尊禮之名而
內收豪傑向用之實豈與用事諸臣課功實分高下哉

秋暑命刑部慮囚

景川侯曹震請征容管勾沿邊大旺散毛等洞蠻又西番名
朶甘思曩日族不許

八月丙寅朔庚午滎陽侯鄭遇春東川侯胡海督金吾等衛造
海舟一百八十艘



自壬申平緬宣慰使思倫發入貢平緬在西南夷稍遠自雲南大理越金齒至其地所謂百夷也元時屬緬甸產象馬河南河決杞縣傷人壞城屋遣使者塞之免今年田租癸酉通經儒士陳玄為左僉都御史林文為左春坊司經局試正字

壬午詔撰 皇伯壽春王墓文立石

癸未定考績法

乙未儒士婺源汪仲魯為左春坊左司直郎仲魯舉明經講尚書西伯戡黎 上甚喜之


諸州不及三千戶俱改為縣凡三十有七

九月戊戌懷慶府戴莊湖廣都司副斷事高翼俱為右僉都御史靜寧州判官元善為右僉都御史山東東昌教授馬睿為左春坊左贊善

己亥前廣東瓊州知府趙瑁為左春坊左諭德

征南士卒悉為小旗免比試 是月更定親王冠禮 命各省市政使司儲備兵食邊衛足三年內地足二年

十月壬申魏國公徐善上北平諸衛吏卒之數九十七衛計吏卒一十萬五千四百七十一人



後軍都督僉事陳文卒文合肥縣人少孤事母最孝力農致富從渡江年六十追封東海侯謚孝勇本朝謚孝止文耳丹淑妃李氏攝宮中事

丙子河南永平水命駙馬都尉李祺歐陽倫王倫李堅梅殷陸賢賑之勅河南布政司及守令曰大河之水天泉也所在牧守仁心吏行事如律即蜿蜒東注無摧山裂石之勢若牧守吏不仁不律則洪流洶湧波濤駕平野魚鱉游園林河南河水瀾漫數州民居皆徙朕日夜究心特命駙馬李祺歐陽倫王倫李堅梅殷陸賢等往賑慮不足厚給之恩爾奉行無怠


是月復遼東海運置稽疑司尋罷

乙酉景川侯曹震言四川貴州二都司易番馬四千二百五十匹請分給陝西河南吏卒又自眉州峨眉至建昌古驛平衍無瘴毒宜通其道從之

丙戌左春坊左諭德趙瑁為禮部尚書秀才王斌試在參軍史玄齡歐陽旻試右參軍

丁亥秀才宋矩等十七人為監察御史周煥奎高孟文為翰林院檢討


成都府書吏入京評知府許張存仁不聽



閏十月乙未 上曰聞方面官多侵郡縣職失治體自今以往
凡民間庶事自州縣制始縣有不公則州理之州有不公則
府理之府有不公則布政司理之布政司所任非人則從按
察司彈糾之亂政擾民者厥罪無赦著為令

令天下論獄皆屬都察院評允送入大理寺覆審乃決之
欽天監博士元統言歷法隨時脩改今歷名大統而積分猶
授時之數授時歷以至元辛巳為歷元迄今甲子積百有四
年推歷法得三億七千六百一十九萬七百七十五分經稱
七十年差一度每歲差一分五十秒辛巳至今年數漸盈漸

差天度臣今以洪武甲子歲冬至為大昌歷元推行得授時
歷辛巳閏准分二十萬二千五十分洪武甲子閏准分一十
八萬二千七十分一十八秒授時歷氣准分五十五萬六百
分洪武甲子氣准分五十五萬三百七十五分授時歷辛巳
轉准分一十三萬二百五十分洪武甲子轉准分二十萬九千
六百九十分授時歷辛巳交准分二十六萬三百八十分洪
武甲子交准分一十一萬五千一百五十八分八秒蓋七政之原
遲疾逆順伏見不齊其理深奧實難推演聞磨勘司令王道
亨有師郭伯玉精數法請得同之推演大統歷成一代之制



上是之命如其所言隨時脩改


楊廉曰前代之歷唐虞三代無可考自漢至元凡四十餘
歷漢興四百餘年更可造歷唐興三百餘年更七造歷宋
興三百餘年更十八造歷國朝大統歷採用元授時歷
自洪武至今百四十年未嘗更造而一一皆驗真可以行
之永久矣授時歷乃許平仲郭守敬所作知歷數明歷理
恐古今未有過之者其法不用歷代積年日法最為簡易
瓊山邱氏大學衍義補引洪武中博士元統之言謂授時
歷元年遠漸盈漸差天度擬合脩改攷之統所改元推步
不應歷家尚仍授時之舊而邱氏復謂今去統時年歷數多
所差益甚是亦泛論焉爾歷法疎密驗在交食今日食月
食分秒不差又何得而疑之哉

永城侯薛顯母卒工部請給棺不許謂功臣恩典出自上裁
非可請也

是月魏國徐達班師還京

癸亥清類天文分野書告成訂為二十四卷頒諸王

十一月乙丑上御東閣謂諸侍臣曰責難之詞人所憚聰明
君受之無難諂諛之語人所易從昏主信之尤入右春坊右



贊善董倫奏曰惟明主乃能慎擇之 上曰責難不入于昏

君而諂諛難動于明主人臣事君在守正矣

丙寅江西布政使司左叅政胡昱請討金山納哈出不許胡

昱故元降將也

己巳勅孔希文為曲阜知縣 孔子第五十六代孫

諭文官年至七十許其致仕給誥勅著為令

雲南左布政使吳印還京師張統為雲南左布政使

壬申牛誠為駙馬都督尚崇寧公主

癸酉鞏昌侯郭子興卒子興臨濠人從滁陽王麾下轉事

上備宿衛在 累劄力戰年五十有四追封陝國公謚宣武

黃金曰郭子興以瓌瑋之資自開國以來從龍上下盡瘁

所事所至以英勇聞是故攻無不克戰無勝不視轉萬里

之遠歷歲之久若堂奧與朝夕焉雖鋒矢交集饑渴不時


咸不避悔必盪穢渠凶歸報終事乃已卒能為國開拓疆

宇勒勳西郵誠可以不朽矣其亦人中之豪傑也哉


丙子宣寧侯曹泰自貴州永西市馬還京得五百匹


是月楊通嗣滎陽侯 楊璟之子

十二月壬寅翰林待詔朱善言上國重世臣家重世婚今民間



婚姻之訟甚多兩浙江西為尤甚問之皆姑舅兩姨子若女
蓋以法不當婚故為仇家所訟或已聘而見絕或既婚而復
離甚至婚嫁已久兒女成行有司尚爾逼奪使伉儷分離母
子永隔冤憤抑鬱感傷嗟嘆議律不精禍一至此按律尊屬
卑幼相與為婚者有禁若謂父母之姊妹與己之身是謂姑
舅兩姨皆名尊屬已不可以卑幼匹之若已為舅姑兩姨之
子彼為舅姑兩姨之女門地相耦長幼相若嫌靡尊卑美儷
鈞敵為子選婦為女選婿宜莫先此昔成周之時王朝所婚
不過齊宋陳杞數國而已故當時稱異姓大國則曰伯舅小
國則曰叔舅列國之君齊宋魯衛陳鄭秦晉亦各自為甥舅
之國降及于後世如晉之王謝唐之崔盧潘楊之睦朱陳之
好無不世婚為重其顯然可証者如溫嶠之玉鏡臺此以舅
子娶姑女也呂榮公夫人待制張昱之女而待制夫人即榮
公母之姊此以小姨子娶大姨女也若此律不明獄訟繁興
風俗凋敝甚可傷閔願下臣奏議弛禁章頒發 上從之
乙巳左都御史詹徽奏安徽太平縣人毆死孕婦當絞子請
代其父下大理寺卿鄒俊議曰死婦係二人之命犯人當二
死之條與其存犯法之父孰若全無辜之子 上從之





西平侯沐英勦平廣西維縣餘寇以通四川餉道

乙卯東川侯胡海招集山東元遺兵千四百四十餘人

庚申國子監助教楊磐還自安南國其國王陳埜遣使隨入表賀明年正旦貢闈暨三十人

是年安徽泗州知州上祖陵圖帖厚賜之除奉祠世襲

州朱貴

國權

監官設遷孺木著

乙丑洪武十八年

正月癸亥朔琉球暹羅二國俱來貢表賀

太原府同知溫祥卿為兵部尚書

戊辰夜熒惑犯外屏

課朝覲官四千一百十七人其稱職者僅四百三十五人尋

常二千八百九十七人不稱職者四百七十一人貪黷者一

百七十一人闖冗者一百四十三人詔擢稱職復常任降其

國權

洪武十八年

一

不稱職下貧贖于法司遂加訊治其餘俱免為編氓

儒士劉三吾為翰林學士

丁丑高麗國進馬五千匹金五百斤銀布等各五萬

戊寅諭禮部移檄高麗令三年一朝止進止馬五十匹

己卯命郡縣第民戶上中下三則編氓役冊驗輕重役之

辛巳慶遠府東蘭州蠻常富撓作亂初常富撓世據東蘭州

洪武己未富撓遣舍人常錢保入貢匿富撓名因授錢保知

州致隙至是廣西執錢保改他吏諸蠻民乃安

官軍

癸未禮部頒外官到任儀注

甲申江夏侯周德興往河南招故元兵

乙酉歲貢會試落第者還國子監讀書再落罰為吏

丙戌福建按察使鄞縣陶垕仲以父兄徙鳳陽乞得聚養許

之垕仲按閩盡刷宿弊德惠流洽嘗勅布政司薛大方見累


得雪復官閩人謠曰陶使再來天有眼薛公不去地無皮

戊子魏國公徐達創愈上書勞之

辛卯定王國祭祀社稷山川等禮

二月甲辰時陰雨雪電詔中外官民卒伍皆得盡言事

國子祭酒宋訥上守邊策曰今海內既安蠻夷貢奉惟沙漠



胡尚煩聖慮若置之不治則恐日久為患若欲窮追遠擊
又恐艱難疲勞陛下為聖子神孫計不過謹備而已備邊
在乎實兵實兵在乎屯田漢本始中匈奴率十餘萬騎而南
趙充國將四萬騎分屯緣邊九郡單于聞之引去當時籌畫
區分可以想見今陛下宜于諸將中選謀勇數人每以東
西五百里為制隨其高下立法分屯如充國兵數斟酌損益
率練有法敵遇則戰寇去則耕此久長策也上嘉納之
國子學正陳潛夫上四事獎直臣簡師儒勵廉耻審用人國
子博士高允憲請如漢事旌卓異賜金增秩上皆是之

乙巳初星五星並見

丁巳右春坊右贊善董倫為左春坊大學士

己未錄軍國重事太傅右丞相魏國公徐達薨達字

陽縣永豐鄉人從上起兵渡江拜鎮撫領諸將竟定天下


九佩大將軍印立功盖世彌折節恭謹嘗宴醉甚上令昇

臥故吳王時邸中醒知之起伏階下呼死罪上悅治甲第

表其坊大坊年五十四追封中山王謚武寧賜葬鍾山之陰

彭韶贊曰天眷聖朝篤生賢輔削平群雄翼我洪武反

狄陰山雪耻千古攻城弗屠毛完藏府錫爵分茅以有魏



土莫彼朔方莫予敢侮氣作山河不物以腐

王世貞曰高帝之取天下計初下建康再與陳友諒角
實在行而其他皆大將軍力也大將軍之廉靜仁武沉幾
策勝即古名世之佐曷過焉勞而不代夙夜匪懈與功名
終蓋所以處君臣之際微矣元女侑配英主整其成師于
十五年後而資靖難兩都二公光表後裔寵冠群辟夫豈
幸哉儒生之第武者輒先太公望夫太公因累世之聖奉
以伐不仁牧野一戰倒戈攻北無所藉于鷹揚而殷社粟
矣土一胙而疾驅于安邱之逆旅舉賢尚功汲、以為齊世


計孰與夫大將軍受服而忘家誓衆而忘身論爵第賞而
忘其子孫哉吾故特標而昂之以為古今勲臣第一云
袁又新曰予讀中山世家乃知弔伐之師智在不貪仁在
不殺勇貴能斷中山兼之所以謨冠群策勲席皇圖即阿
衡尚父九王六寇與肩疇踵亡以逾焉况功高不伐禹績
所以承家陽羨賜莊子孫二大國歲祿萬石 聖明之酬
勞如是則烏盡之弓藏之喻淮陰亦易于反唇矣天下僅
五公中山子孫居二焉

松州羗反討平之仍轉餉給松州衛

國權

洪武十八年

四



三月壬戌朔廷試貢士黃子澄等四百七十二人于奉天殿賜

丁顯練子寧花綸等進士及第出身有差

甲諭西平侯沐英九指揮同知陞指揮使指揮僉事陞指揮

同知正副千戶衛鎮撫陞指揮僉事百戶陞副千戶俱世襲

乙亥免應天太平寧國鎮江廣德滁州和州今年田租

進士自授官外餘觀政諸司給以出身祿米

丙子丁顯練子寧花綸為翰林脩撰進士出身馬京齊麟等

為編脩吳文等為檢討朱震為承直郎陳廣中書舍人同進

士出身危徽衛府紀善李鴻綱潭府奉祠正楊靖吏科庶吉

士黃耕承直郎蹇瑤中書舍人鄒仲實國子助教

瑤後改名義

以進士未更事俾觀政諸司

分宜黃子澄蕭山魏觀皆少年美才恒備顧問明年觀憂去

子澄滿三載授翰林編脩今翰林院題名錄以子澄為一甲


三人非是 是月命工部增造京官私第

禮部主事陳章上言禮制納之

丁丑定翰林院官制學士殿閣大學士俱正五品侍讀學士

侍講學士各二從五品侍讀侍講各二正六品五經博士五

正八品典籍二八品侍書二九品侍詔六從九品史官脩撰



三從六品編脩四正七品檢討四從七品首領官孔目一

夜歲星會填星金星入井宿歲星入亢宿

戊寅張麟為駙馬都尉尚福清公主 張龍子

庚辰定番國進表禮

辛巳禁河南伐桑棗榆槐 是月罷考功監

壬午太常博士薛文舉言各官稱職宜久在任 上納之

戊子填星歲星太白聚東井

戶部侍郎郭桓胡益王道亨等盜官糧至七百萬石下獄詞

連禮部尚書趙瑁刑部尚書王惠迪兵部侍郎王志工部侍

郎麥至德等舉部伏誅株累天下官吏死徙數萬人 寄徧天下

下民中豪以上皆破家詔奸吏永不赦御史余敏丁廷舉言

法司迫切皆歸謗朝廷遂磔審刑司右審刑吳庸等以息天

下之謗瑁等皆棄市


談遷曰 高皇帝素惡元法之刑最加意兵食而當時死

徙徧天下一空印一盜糧禍至溢矣盜糧數至七百萬未

盡計臣或符籍稽誤沿至大僂蓋祖元習而不之戒也然

自是法日詳奸民少戢矣

勅靖寧侯葉昇等上天垂宜嚴城守如敵至第保障清野俟



急歸急擊勿失

是月翰林院待詔朱善為文淵閣大學士

四月癸巳朔五色雲見明日亦如群臣表賀不許

乙未勅靖寧侯葉昇等繕海州蓋州復州三州城

酉丁殺吏部尚書余燦江南崑山縣人家故鑷工少喜學

問其掌銓稱平未嘗譖毀人以鄉人國子學錄金文徵憚國

子祭酒宋訥方嚴與學錄田子真何操學正陳潛夫告燦言

訥老耄受賄餓死諸生剋落師生廩膳燦移文令訥致仕訥

陞辭上驚問故怒燦專擅并金文徵等誅之圖形暴罪

劉鳳曰燦雖躑躅然畏慎不避嫌猜其事乃不能詳既總

五月百官備宰阿蓋亦有足稱矣

設遷曰余茂本其人長者居家尤恭謹望里門輒下詎嫉

宋仲敏而驅之哉偶言妬說身伏斧鑕嚴主之不測如

此噫彼號為畏慎猶未免蒙罪况其踰濫者乎


戊戌置雲南沅江府因進羅必甸長官司秩六品正流官土

人白文玉副之

已亥太白晝見三日

壬寅錄有司善績著聞者揭鄉之旌善亭有顯罪者揭

亭申明



丙辰馬平縣主簿孔性善言言溪峒獠獞恃險殺掠兵至則
竄兵退則恣乞于要地置寨扼其出路食盡易勦然前知縣
陳景文獠獞俱應役厥後撫字乖方始復反側則守令之貴
得人也明矣 上嘉納之下吏部擇賢守令撫輯之
置五開衛

思州諸洞蠻作亂信國公湯和為征 將軍江侯復周德興
副之從楚王植討平之
五月辛酉朔文淵閣大學士朱善進講心箴 上曰人心道心
機相倚伏人常持之可也


丙寅罷判錄司

庚午太陰犯平道 是月湖廣洞蠻作亂官軍討平之
右軍都督張赫督海運七十五萬餘石往遼東
己丑沔陽衛指揮僉事和州潘進為雲南右衛指揮同知滇
夷叛服不常至是屯田繕械軍資不乏

六月丙申太白晝見六日

戊戌頒命婦冠制

丙午僉各處民充力士一萬四千餘人增錦衣衛千六戶領
之 是夜月食



戊申定朝覲官三年為期初歲至

是月下第貢士俱授教官

四川蠻酋吳奮克倡亂稱剽平王古州十二長官司悉應之
號二十萬靖州衛遣兵擊之不利遂攻靖州指揮過興敗于
九里岡與子忠死之


七月辛酉朔高麗權國事王禡貢馬請封爵求故王王顯封謚
從之

乙丑丹徒知縣胡孟通縣丞郭伯高金壇縣丞李思進坐事
當逮者民詣闕保留特釋之皆賜勅勞酒一尊復賜耆民酒
面諭之曰朕收求賢分任方隅多失厥職方欲窮罪而更
張之爾等列爾令丞善狀嗚呼昔人君巡狩四方詢民知政
朕今坐而得縣官之賢官得其人朕復何憂特勞爾酒爾其
合飲之

丙寅命戶部廳事刺天下稅糧課程一歲收用之數
公侯親屬占籍他處者各召還

己巳罷四川普定軍民知府

庚子以盜糧株累良民詔大赦天下詔曰天道以不餘補不
足人乃以不足奉有餘嗚呼罪盈自己惡奴人神天譴既臨



尚造多非如戶部侍郎郭桓監部等刑部尚書王惠迪侍郎
脩監部等兵部侍郎王志監部等工部侍郎麥至德監部
等禮部侍郎趙瑁監部等貪贓亂政賄賂屯集罪已分明尚
掩殺身之計妄指善良為寄贓所朕設官造民業不勝任又
且罪盈法古天討以除民害愈加害民必欲除奸復生奸甚
實朕不才之致凡我天下良民憐朕不敏書不云乎天位艱
哉仰觀俯察寢食不安惟圖康民人心若此自詔以後大赦
吾民所有不赦惟是奸貪
辛未免陝西欺隱田糧十二萬餘石

壬申浙江按察使陶晟坐事死

甲戌遣國子學錄張溥詔封王禡高麗國王遣國子典簿周
倬追謚故王王顯恭愍

丙子令郡縣當去官其父老詣闕乞留者皆賜勅加衣幣


甲申歲貢生不雋者提調官及教官奪祿一年

丙戌國子生值疾官給醫學藥久不愈者護歸其家

乙未祀姜嫄公劉于邳州

癸卯吏負役滿避本貫互用

丙午賜公侯鈔每人萬錠俾還鄉治宅



已酉進士方昇梁德遠等六十七人為六科給事中六部試
主事

宋國公馮勝為征下大將軍偕穎國公傅友德永昌侯藍玉
討北平會兵備邊

癸丑復設糧長

丙辰 上御華蓋殿論治道文淵閣大學士朱善曰致治在
任人擇衆賢為耳目則視聽周任衆智為計慮則施澤溥今
天下太平選任賢才宜留聖臆上曰然王彭四十典獄風
已未指揮千百戶鎮撫年五十以上許子代襲

是月賑河南


九月庚午 上御華蓋殿大學士朱善講周易家之卦 上曰
家與國一也在誠實而有威嚴誠則思篤嚴則無失

壬戌駙馬都尉黃琛卒琛武昌人初名寶從 上麾下尚

皇兄蒙城王女即位後封女慶陽公主寶都尉三年改名琛
年四十九子銳在軍都督僉事

乙亥楚王植請親征吳奮兇許之命信國公湯和為征下前

將軍江夏侯周德興都督同知湯醴副之勅湯和曰行師須
慎毋輕視深入雖來亦須審察楚王尚幼故遣都督劉寧



總宿衛之兵軍旅之事卿自裁決然後啟王知之楚護王衛
兵六千五百人會湯和等號二十萬

甲申定諸番頒貢禮

丁亥翰林檢討茹太素為戶部尚書 是月築漳河隄

行人韓暉父同知致仕年七十得罪當輸作暉請代釋之

戊子星變勅諭秦王晉王周王

壬寅太白連晝見


是月文淵閣大學士朱善卒善字備萬豐城人九歲通經能
文元末隱居纂述國初授南昌教授八年薦入翰林修撰逾

歲降典籍放歸尋徵為待詔直閣乞骸卒于家年七十二所

著詩經解頤等集行世


十月己丑朔 上作大誥頒示天下

何喬遠曰 高皇帝本淮右布衣幼苦孤貧長遭兵亂人
之情偽無不盡知自平武昌以來即與群臣議定律令損
益更改不計數即位之初首頒大明令百四十五條于天
下次為直解使愚民盡知蓋疎節濶目欲以簡以嚴共期
無刑之化而物態多端律文不載比例繁多奸吏因得出
入至六年重定明年律成篇首準于唐律條令六百有六



可謂詳矣而貪墨之吏奸頑之民尚未格心 帝乃大召
天下耆德高年之人禮于有司使得執貪吏擒奸民面奏
奏實者加非常之誅于是有挑筋剝指刖足斷手刑臙鈎
腸去勢以止大憝府州衛所右廨左廟名曰支場吏受賕
至六十金者引入場中梟首剥皮更代之官設反坐造淮
清樓令校尉下瞰城內有吹彈踴蹴賭博無作務者捕置
樓中僅許水飲游手通賦之僧歛地理軀以行鋸頭之會
其他徒邊實都墾田築城自贖罪者不可勝計于是揭著
文武臣民罪由布于天下而大誥之篇出矣所以人惴慄

吏畏民馴其時徵辟之士有司督趨如捕罪囚仕于朝者
多詐死佯狂求解職事自非剛達敏博之士溫恭恣畏之
臣焉能勝其任而遇合乎然原 高皇帝之意皆以草元
人姑息之政洗故俗汚染之非 為訓于後王故 祖訓
首章特戒守成之君黥刺腓劓閹割之刑永不可用臣下
不臣者磔身誅其家誠恐嗣君宮生內長人情真偽善惡
未必灼然無疑一時不當誤傷善良也末年更定吏戶禮
兵刑工分為六類析十二篇為二十九約六十六條為四
百六十異日權宜法外之法蕩滌滯除與天下更始矣是



以高皇帝雖昭威顯辟誅殺大張而天命永眷人心不移延及建文餘教未衰二三頑士投火愈烈擠淵彌厲若自附于不貳有終之臣天地神靈知高皇帝無淫威之意海內臣民諒其有德愛之實也

賜湘王潭王魯王蜀王十七史等書

免北平今年田租之半

癸巳翰林待詔孔希善言孟氏子孫有以罷作者二人上

曰大賢之後當宥之遂遣還諭工部曰孟氏後甚微脫或死

行周盡矣凡在輸作者爾等詢其出自大賢即便釋遣

乙未進士胡昌齡等十人為御史推官二甲進士李桓等二

十人為六部主事是月徵天下赴闕

丙申築欽天監觀星臺于鷄鳴山因雨花臺為回、監觀星

臺是夜有星孛于斗


癸卯召大將軍馮勝回京

乙巳湘王柏之國荊州 丙午命蜀王椿之國居鳳陽

巳酉魯王檀之國兗州 乙卯勅洮州岷州武臣送馬

征前將軍信國公湯和先次辰州衛銅鼓諸司能縛致諭

吳奮兜者宥奮兜遁上黃于是湖耳十長官司相繼降兵經




銅鼓次十萬坪分四道約會古州夜擣其巢旦日楚王督戰
盡毀其柵皆殺獲四千餘人至屈團頑寨而寨尋誘執吳奮
兇等送京師詔楚王還國
宜興主簿王復春為常州同知遣吏科庶吉士楊靖勅勞之
曰爾羞朕下民之膏希狗上官之欲方今鮮此尚竭乃心
用光初志
十一月己未朔裁城門郎其門禁鎖鑰銅牌歸中軍都督府
水災免山東租二百五十餘萬石河南及常德三十餘萬石
甲戌進士宣城秦達為工部右侍郎
十二月戊子朔定鈔二貫五百文准米一石准充祿賜

庚寅潭王梓之國長沙

癸卯吏科庶吉士楊靖為戶部右侍郎

丙子詔曰向令有司舉聰明正直之士至者多孤朕望朕聞
古者選用孝廉孝者忠厚愷悌廉者潔已清修如此則可以
從政矣其令州縣凡有孝廉聞鄉里者正官與耆民以禮遣
送京師 是月高麗入貢賀明年正旦

己酉遣行人王本勅諭建陽知縣郭伯泰縣丞陸鎰曰曩古
人臣立志忠君在內則和而不同在外則不避權勢所以上
昭主德下福民生通政司言爾伯泰鎰持法愛民靡所撓怠



嗚呼忠志之道朕今見之特命行人勞爾酒醴陞爾伯泰為

泉州府同知鎰福州府通判尚堅乃心厥有終始

壬子高麗請大統歷賜之

癸丑平緬宣慰司思倫發叛千戶王昇死之

罷各政使煎煉鉄冶

是月建鷄鳴山寺

[Faint bleed-through text from the reverse side of the page]

國權

鹽官設遷孺木著

丙寅洪武十九年

正月壬戌賑北平大名江浦水災

戊寅湖廣通城崇陽二縣山險輸布帛代粟


己卯罷四川永寧茶馬司

平彬州融縣洞蠻 廣西

庚辰頒大誥於國子生及各儒學

甲申雲南左布政使張統言異時商輸粟金齒每斗鹽十斤

國權 洪武十九年




以穀准粟者聽後禁輸穀中益遂少乞仍之報可

是月征下前將軍信國公湯和班師還朝乞骸骨上尋諭曰卿強健為朕一行海上為倭備初倭寇浙東指揮方鳴謙故谷珍從子上問以海事對曰倭海上來則海上備之爾若量地遠近置指揮衛若干戶所陸聚巡司弓兵水且戰船砦壘錯落倭無所海門得入入亦無所得傳听魚肉之矣上曰然於何籍軍對曰兵興以來軍勁民胸民無所不樂為軍若四民籍一軍皆樂為軍也至是湯和偕方鳴謙往視要隘之地築城增戍越山東登萊歷江南浙江凡五十九城簡

浙東丁壯三萬五千有奇和自巡城上多入民家墻階之石及諸雄礮搨諸城下民多賃舂者浙人謳曰京國巨倉公卒聊浪墻除礮礮公城堦壘鳴謙入言之和曰吾聞成遠筭者不近量任大事者不細謹若以國之無備及于戈鋌蔓草生竈下虫豸生井白安所得雄礮乎復有讙者老夫將手刃之

二月丁亥朔高麗貢馬千匹布萬匹
已丑上坐東閣與侍臣論天人之際上曰天人無二人當以心為天又論儉上曰不可儉者祭然不可瀆不可儉者賞然不可濫



雲南臻洞西浦撮金撮榜諸蠻叛命穎國公傅友德討平之
置四川雅州茶馬司

丁未遣使勅勞常熟知縣成黃奇賜以酒時郡吏馳縣中道
榜執之 上嘉其能

戊申定首領官于本司九年考課正官九年稱職予誥勅
壬子命新除官不用符契止給劄

癸丑賑河南饑民

省躬錄成編漢唐以來災異應臣下者

三月丁巳朔罷審刑司

給來朝官鈔二十錠治贖


丙寅傅忠為駙馬都尉尚壽春公主 傅友德之子

辛未大誥續編成頒天下

左春坊司直郎汪仲魯致任命以秋行是日忽召至賜坐曰
爾今已老可即還家無庸來矣所戒者近侍臣歸有司來見
當閉門謝之曰仲魯蒙恩予告置杜門謝客輸租應役則有
恒制矣其敢以是自速厥戾如此則可以考終仲魯頓首叩

謝明日辭歸

置牧監諸郡



罷文武官節錢俱賜宴

辛未復頒北方學校九經


甲申復雲南納米給鹽之例

四月丙戌朔分工匠輪班三年赴京師輸作三月遞代

在京文職官吏俸置倉另貯

丁酉李景隆嗣曹國公誥曰貴戚之家保富貴者鮮矣貴戚之位忠臣義士之所矜重奸邪之所窺妬是有束手而傾不自重而復嗚呼守是位者必動止合宜語默無妄靜觀社稷安危察奸邪之所以若有邪臣黨比則秘其事而幽其機以待一舉而患難為之捍禦朕姊子文忠命居群將之列功至公位嗚呼非智非謙幾累社稷身不免而自終其薨也三年矣以骨肉之親兼著勞于朝野服制既終命爾襲爵爾其慎鑒前失永受朕訓

朱國楨曰岐陽王李文忠之功莫大于浙西莫迅于應昌莫險于騁海蓋亞中山匹開平而文學議論又宛然儒者氣象自古人臣文武全才未見有及者太祖固居然以唐太宗目之矣非智非謙幾累社稷之語盡吐心事親為帝甥共平太平如何用智如何執謙岐陽王至是其道窮



而其功乃所以為累 上固籌之深矣借事發怒借館人行刑中道而逝延其世賞君臣甥舅之間情不足而體尚存千古變局殊不忍言至景隆紈綺子能讀書設兵自其家傳堂、乎張也貌而推之情而信之天也即豪傑如何即岐陽王尚在亦如何而况景隆噫嘻

贖河南水災所鬻子女

應天衛軍有父母子女者月給米一石

丙午置建昌姚州越雋會川五井監課司

慈谿縣丞秦仲彰為寧波知府寧波知府李仲文降慈谿縣

六丞時仲文遣吏行縣不法被秦仲彰執送闕下故陞仲彰為

知府降仲文為縣丞 是月吳傑嗣安陸侯

五月乙卯朔 上諭吏部曰進士魏安仁等六人謫浙江按察

司吏知已自新其召用之

丙辰命四民各守本業醫卜安土其游惰匿他所者謫徙

丁巳嘉興知縣畢輝縣丞齊搏剛正能其官賜勅書酒醴

命市馬于雲南

戊辰有妖僧玉琳與江西新淦縣人楊文曾尚敬等作亂紀

元天定捕誅之

